

" D Ö R P S L A I D "

Ik ken ain oardig plekje  
Op 't vlakke waidelaand  
Woar 't goud is om te leven  
Ien 't Grunninger ommelaand  
De noam, dei ken ie roaden  
Auwerd hait 't sinds olle tied  
An d'aine kaant de stroatweg  
't Groot kenoal aan d'aander zied.

De kerk, dei stait zo kriegel  
Over bleev'n oet olle tied  
Groot en stoer stait hai al aiwen  
'n Boaken was 't veur wied en zied  
Joarn zel e doar nog weez'n  
Of wie goan noar Oost of West  
Hai wil allein moar zeg'n  
Blief hier, want 't is hier best.

De mensen, dei der wonen  
Dei binn'n stoer en staark.  
Zai hollen nait van proaten  
Moar bliev'n bie heur waark  
En summers onder 't drokste  
Is alles in de weer  
Loop heur nait veur de vouten  
Want 't gait er donders heer.

Moar as der feest ien 't dörp is  
Den mout ie ais wat zain  
Den binn'n ze aalmoal bliede  
Ien hoes blift er gain ain.  
Den is 't ain grote bruloft  
Zai zingen mit mekoar  
Van dörp en volk van Auwerd  
En blieven bie mekoar

Ik hol van mien klein dörpke  
Dat ploatske dicht bie stad  
Woar ik as kind al speulde  
Woar ik altied 't laifste zat  
En woar ik ook mag raizen  
Ik denk toch ieder keer  
Zag 'k eerst de olle hoezen  
Van ons Auwerd toch mear weer

-----